

উচ্চশিক্ষায় বাংলার ব্যবহার বাড়াতে হবে

— ড. আনিসুজ্জামান

ইমেরিটাস অধ্যাপক ড. আনিসুজ্জামান বলেছেন, আমাদের নিজেদের জীবনের সব ক্ষেত্রে বাংলা ভাষার ব্যবহার বাড়াতে হবে। এ ক্ষেত্রে উচ্চশিক্ষা প্রতিষ্ঠানগুলোর ভূমিকা হবে অগ্রগণ্য। গতকাল শনিবার ধানমন্ডিতে ইন্টার্ন ইউনিভার্সিটি (ইইউ) আয়োজিত আন্তর্জাতিক মাতৃভাষা দিবসের আলোচনা অনুষ্ঠানে প্রধান অতিথির বক্তব্যে তিনি এ কথা বলেন।

বিশ্ববিদ্যালয়ের উপ-উপাচার্য অধ্যাপক ড. আবদুল হান্নান চৌধুরীর সভাপতিত্বে অনুষ্ঠানে বিশেষ অতিথির বক্তব্য রাখেন ইইউর বোর্ড অব ট্রাস্টিজের চেয়ারম্যান আবুল খায়ের চৌধুরী, সাবেক চেয়ারম্যান এসএম বখতিয়ার আলম, কলা অনুষদের ডিন অধ্যাপক কাশিনাথ রায়।

অধ্যাপক আনিসুজ্জামান বাংলাকে সর্বস্তরে প্রতিষ্ঠিত করার আহ্বান জানিয়ে বলেন, অন্য কোনো দেশের ভাষায় বাংলার মতো এত বিকৃতি আর দেখি না। একশ্রেণীর ভারতীয় টিভি মাধ্যম আমাদের দেশে অমঙ্গলজনক প্রভাব বিস্তার করে চলেছে। এতে অল্পবয়সী ছেলেমেয়েরা হিন্দি শিখছে এবং বাংলার বদলে তা ব্যবহার করছে। এটি খুবই উদ্বেগের বিষয়। সংবাদ বিজ্ঞপ্তি।